



04. september 2007

Inatsisartut Suleriaasianni §36, imm. 1, naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. Ingerlatsiviit nunanit allaneersut misissueqqissaarnissamuinnaq akuerineqarsimasut, allalluunniimmi nunatsinni najugaqavissunik nunatsinni nunap ilaanit peersitsisinnaatitaappat? (i.e. atuinissamut akuersissut silinnerusoq tunniunneqartinnagu)
2. Tonsikkuutaartumik "toqqugassaqqissoq" 2 kg-ngajaareersoq Naalakkersuisut isumaqarpat misissugassat taama amerlatigisut pisariaqartut?
3. "Pisortat" nunatsinni najugaqavissunit arsaarinnissinnaappat, assersuutigalugu meeraq ujaqqanik atortussianik aningaasanik naleqarluartunik nassaarpat? (Suliffissuaqarnikkut iml. niuernikkut atugassiatut naatsorsuussatut katersaanngitsut eqqarsaatigalugit).
4. Maannakkut nunatsinni najugaqavissut nunatsinni TAMAKKIISUMIK rubiinik safir-inillu katersueqqusaappat, tamanna pisarnek malillugu assaannarmik katersuinertut ingerlanneqarpat, tassa sakkut maskiinamik atuisut atornagit?
5. Nunatsinni qasseriarluni rubiinik anngiorluni annissuiniartunik tigunnittoqartoqarsimava? Qanittukut Aatsitassanut Ikummatissanullu Pisortaqaarfik maannamut aatsaat taama annertutigisumik rubiinik anngiorluni annissiniarsimasumik naammattuugaqarsimaneq avammut suaarutigineqartoq eqqaallugu?
6. Nunatsinni takornarianik sullissisut rubiinik katersuisitsisarpas iml. katersuisitsisarsimappat? Tamakku pillugut ussasaaruteqartarsimmappat?
7. Taamaattoqarsimappat inuit avataaneersut ujaqqat nassaatik nunatsinnit annittarpaat? Annissinissamullu akuersissummik peqarnissaq piumasaqaataasimava? Taamma avammut anissinissamut akuersissuteqarnissaq piumasaqaataava?
8. Ujaqqanik assaannarmik katersanik tuniniagaqaraanni isertissinnaasat qummut killeqartinneqarpat?
9. Niuernikkut suliffissuaqarnikkullu atuinerit qanorpiaq nassuiarneqartarpat?
10. Pineqartumut atatillugu Naalakkersuisut allanik paasissutissaateqarpat?
(Inatsisartuni ilaasortaq Esmar Bergstrøm, Inuit Ataqatigiit)

Tungavilersuut:

AG 21. august 2007 saqqummersoq atuareerlugu eqqarsarnartoqartippara nunatsinni najugaqavissut Qeqertarsuatsiaat eqqaanit peeqquneqarsimammata, tamaanimi ingerlatsivik pineqartoq misissueq-qissarnissamuinnaq akersissummik tunineqarsimammat. Taamaakkaluartoq ujaqqat tonserpassuit nunatsinnit annissorpaat, paasisallu naapertorlugit taakku ujaqqat aningaasarpassuarnik naleqarput. Tuniniarsinnaanerannut akuersissummik tunineqarnissaminnut utaqqiinnarsinnaapput.

Inuiaqatigiit kalaallit iluanaarutit ilaannik pissarsinissaat inatsimmi qulakkeerneqarpoq, taamaakka-luarterli ujaqqanik katersueqqusaanatik - qanoq ilillutik iluaqutigissavaat?